

療難指示

全

十武
570



齋 氏

齋 藤 直 再 拜

齋 藤 直 再 拜

齋 藤 直 再 拜

義按
待侍誤

齋 氏

斗柄建寅大簇報春草木甲柝蟄蟲始出謹賀先生
尊體動止万福直嘗待絳帳辱蒙恩獎教督最渥而
昏弱懶懦不能奮勵答望實入於蘭室而不聞香者
歟於今猶為憾焉當時視來受治者雖沈痾痼疾皆
隨手起竊嘆曰天下有此名手來學之晚可憾也受
業三年畧通其意自以為百病可唾手而起也已辭
函丈而歸裘葛五更其間所療殆千餘人矣景業者先
生所起死回生之方用之得其功者甚希適有愈漆
桶掃帚亦唯摸索而已直甚惑焉竊謂養叔治射庖

丁解牛非力與弓之異。其不失正鵠與肯綮者。唯在心手圓熟。善適機會而已矣。先生治病。直治病。非有方法之異。而其治之遲速。其功之成否。唯在於技術精粗而已矣。然則精者救人。粗者殺人。其功罪豈啻霄壤而已乎。自反忸怩。欲再遊就正。不忍千里遺老而去。徒增神馳耳。先生所著重校藥微。橘黃醫談。答問書諸書。乃圭之暇。時時誦讀。以資校技術。嗚呼。思見先生不可得。讀先生之書。猶如見先生焉。聊以慰調錢且錄上。近來所療醫。按若干。伏乞明斷。請勿蓄教示。直頓首再拜。

復齋藤三益書

尾臺逸拜

辱手書。卷舒數回。遙審舉家清福。洵足以慰翹懷。草廬晏然。幸勿顧慮焉。足下北歸之後。益探討醫術。何篤志之甚。疑問數件。逐條細覽。其病若險。若痼。宜矣。其難于措手也。診療之暇。附鄙意以復于几。下置答之間。言或涉于冗複。是不佞一片安心。聊以為足下後圖耳。夫病有標本。有緩急。有劇易。有邪實。有精虛。治法固不可一途而取也。若夫邪實之酷。與精虛之極。非能較其輕重以療之。甄其源委以拯之。奚得能起篤瘥於已廢。回殘喘於垂絕耶。而急也。劇也。死生

判乎轉瞬若猶豫失機迷惑愆方必弊弊人於非命故
醫而昧乎術實含靈之蠶賊耳執技立于世者寧可
不深究精練以奉天職乎請勉旃時風霜肅殺為道
自愛妻兒多多致意醫事拮据匆匆裁答不盡

療難指示

秋田

齋藤直三益

通稱質問

第一

賈人得外邪後咳嗽吐痰先與小青龍湯數十貼
而不得効漸發胸痛尋吐粘痰因轉枳實薤白桂
枝湯兼用南呂丸胸痛益劇其痰臭氣穿鼻試投
於水中如桃花色者皆沈於是與桔梗白散下膿
二升許乃與排膿散及湯漸漸得愈後半歲再得
外邪咳復發飲食不進胸中如見縛者然不覺痛
其痰稀薄有時吐微黃凝結者先與小青龍加桔

梗湯小陷胸湯兼用南呂丸無効飲食益減羸瘦日
加欲再用白散病者憚其猛不肯服後一日胸痛
加裂心下鞭滿苦楚不可堪急投大陷胸湯一劑
得快利二三行胸痛雖稍減喘鳴逼迫倚息煩悶
用麻黃杏仁甘草石膏湯及控涎丹終不得効
答肺癰初起其症與外邪咳嗽相似而難辨須審諦
証狀以下手若痰中少見膿穢則其氣血精力未衰
脫之時可速以白散若生生乳撞破其窠窠空湯藥
則桔梗湯排膿散及湯葦莖湯大黃牡丹皮湯各隨
其宜兼用伯州散熟甚心胸滿悶者可兼用黃連解

毒湯其再發者証同則治法亦同若夫欲以白散生
生乳取効者在于痰色微黃凝結少作臭時也若遷
延涉日至極臭撲鼻飲啖減落骨枯肉脫脉細數不
啻無益反促命斯欲以小青龍湯小陷胸湯輩抹之
猶蚍蜉撼大樹也大凡諸病至其勢強深難制者固
雖酷毒所致亦未必不由醫人控御之失也執技者
豈可忽諸

第二

士人初心下痞鞭乾嘔頻發大便不通先與半夏
瀉心湯加大黃蠶劑無効乾嘔益甚大便愈秘臍

傍有一塊帶微動按之作痛苦更用小半復加茯苓湯生姜半復湯等兼用調胃氣湯連進數十劑不見寸效後微熱消渴口舌乾燥則發嘔同與竹葉石膏湯^燥結愈甚乃與大棗氣湯而不得利於是以前筒取尿連進竹葉石膏湯數十貼渴不已乾嘔亦自若飲食愈減羸瘦日加一醫與香砂六君子湯數劑終不起

答病情不明年齒不詳故難處方

第三

賈人患疫一醫與柴白湯一朝下血^凍床家人大

愕請治於予診之兩手無脉手足如冰舌上滋潤微帶黃下血不止而腹中無所苦急與大劑四逆加入葶湯經一時許厥回脉漸出至晚遍身壯熱脉數上衝甚目如鳩眼時時譫語渴引水飲心下痞而小腹濡下血猶未全已視之黯黑如雞肝其為瘀血無疑欲與桃仁棗氣湯然小腹濡恐非其症乃與三黃湯加石膏其夜大便二行便色復常後熱益熾舌上黑胎乾燥甚腹微滿與白虎湯加黃連兼用調胃氣湯終不起

答傷寒下血太甚者必至暴脫厥冷脉絕急與四逆

加人蔘湯通脉四逆加猪膽湯等。厥回熱發煩躁譫
語渴而心下痞塞下血猶不止者宜黃連解毒湯若
約略如前症心中悸而不得眠腹拍急而痛者宜黃
連阿膠湯血變黯黑者疑殘血為裏熱所蒸者耳白
虎調胃俱非所宜也。

第四

賈人妻歲四十餘患疫一醫與小柴胡加石膏湯
數劑經日自若轉治於予診之脉弦數舌上微黃
壯熱譫語小腹有一塊時時下黑血飲食不進日
就委頓家人以為必死予曰未至投七熱隨血而

折當作挫

去瘀盡則熱亦可解與桃仁養氣湯數劑下瘀血
四五行腹中大和然熱勢不折舌上黑胎渴益甚
與白虎加黃連湯數劑而安。

折當作挫

答舌黃變黑者裏熱得下反發揚者耳脉數譫語熱
勢不折小腹_未不全和者仍可與桃核養氣湯。

第五

婦人歲三十餘患腹痛後少腹膨脹如鼓一醫投
桂枝加芍藥附子大黃湯三和散類腹益大延予
治之前症依然問之經水平素短少云因與大黃
牡丹皮湯兼用抵當丸數劑腹狀自若唯得水瀉

而已前醫疑其不的予曰藥力未徹也仍與前方
數十日時下黑血或下臭穢之物漸漸復故
答大黃牡丹皮湯甚佳若痛連腰股或每痛發熱者
宜桃仁承氣湯猶不愈少腹滿痛二便秘塞者宜以
大黃甘遂湯攻之

第六

賈人之子歲十八罹病其症初起心下至小腹鞭
滿右邊殊甚衆醫施治諸藥雜投無寸効請予診
之脉數微熱手足枯瘦腹唯膨脹如蜘蛛狀按之
作痛不按不覺苦時時嘔吐小便四五日不通云

予固辭曰非拙工所及病家強請治於是與厚朴
七物湯數劑大便秘通腹中覺小安後渴甚頻引
水漿兩足腹背見腫嘔吐甚食藥不能下咽與小
半夏加茯苓湯數劑嘔止後與真武湯終不起
答此似所謂疴勞者其病由來有漸非一旦也加之
誤鑿亂投變証競出所以不起也若初起能審明其
症撰用甘連大黃湯半夏瀉心湯大小柴胡湯鷓鴣
菜湯類兼以大黃蠶蟲丸濕漆丸脊推臍傍灸熯不
怠猶可治也至嘔泄不止眼胞跗^上並見腫脉細數無
力者万無回生之路

第七

酒肆某比年在蓐其症上逆目眩頭重胸腹動甚
心下痞少行步則苦息迫顏常帶微腫兩便不利
與柴胡加龍骨牡蠣湯數十貼無效後與柴胡姜
桂湯苓桂朮甘加芎黃湯荏苒不痊今猶自若
答桂枝去芍藥加蜀漆龍骨牡蠣湯兼用應鐘丸血
氣充實者時時刺百會瀉血若面身痿黃浮腫凡甲
枯拆胸動甚而息迫者黃胖也宜鐵砂煉長服

第八

婦人產後四五日患傷寒診之脈浮數頭痛發熱
項背強下利日五六行有時戰慄掀牀與葛根加
附子湯發汗再三其熱不退心下痞鞭時嘔更用
柴胡桂枝湯利稍減戰慄猶未止雖煩渴其舌無
胎雖腹滿按之不痛而煩悶不安一醫與白虎加
桂枝湯數劑熱不退謔語煩躁腹滿益劇大便兩
日不通予投大棗氣湯雖得利終斃產後疫症虛
實間者誤其治多矣請詳示

答產後傷寒固為大患邪熱血熱相搏激以致戰慄
掀床之劇所以發汗不解也熱不退戰慄心下痞鞭
嘔而下利者宜小柴胡湯雖有渴而腹滿煩悶不安

之証非白虎湯所宜也。熱不解則惡露必結滯，加之
二便閉澀，所以至譫語煩躁，腹滿益甚也。宜以桃仁
養氣湯下之。凡血熱症，舌色必作殷紅，宜辨之。所謂
太陽表症及產後血熱熾盛者，雖有惡寒戰慄，附子
非所宜也。

第九

婦人年三十餘，產後患脚氣，兩足^腫中，攣急不能
進一步，小腹急結，痛引腰腕，嘔吐甚，藥汁不能入
口，大便四五日不通。先與小半夏加茯苓湯二貼，
嘔止，乃與桃仁養氣湯數劑，下如魚腸者，日三四

行，小腹漸緩，但脚急痛自若，兼用桂枝加朮附湯，
前後十餘日而全愈。

答諸症已退，但脚急痛不愈者，宜為藥甘草附子湯。
又有宜當歸建中加附子湯者，若有麻痺，小便不利
症者，宜桂枝加芍藥朮附湯。

第十

婦人年五十餘，患水氣，腹狀如鼓，兩足如爛，此二
便不利，呼吸塞迫，乃與大棗氣湯數劑，大便日三
四行，腹滿少減，兼用越婢加朮朮附湯，後經數日，
診之，小腹鞭滿殊甚，所謂如鼓狀者也。與大黃甘

遂湯利尿三四升腹滿大減後大棗氣湯越婢加
苓朮附湯互進之腹滿再加復與大黃甘遂湯不
得快利終死

答水氣間有自瘀血來者勿論男女腹裏必有癥結
而遍身發煤黃色肌膚甲錯咽乾口燥喘而短氣如
此者治療失期則惡症蜂起百藥無効終歸冥路

第十一

士人婦每夜右脇下偏痛發則呻吟徹四隣微惡
寒兩足冷腰背足脛有水氣飲食無味脉微欲絕
如此三十餘日云與大黃附子湯數劑脇痛不減

兼用陷胸丸無効胸脇下滿益甚與大陷胸湯不
得快利痛益劇終斃

答胸^脇下偏痛固大黃附子湯所主也然痛引胸中且
咳者雖惡寒脚冷脉微宜與十棗湯痛連臍傍或^率
少腹者宜烏頭湯又有宜當歸四逆加吳茱萸生姜
湯者蓋有可攻擊者有可調和者有可攻和併施者
諸病皆然治療固非一途也須審明病情以處其治
舉措一失其可治者反為劇

第十二

小兒得外邪後三四日喘咳頻發一醫與小青龍

湯不已一日喘鳴息迫作鋸木聲時時欲絕予曰
命在須臾急與走馬湯不得効終死

答此所謂馬脾風也馬脾風為嬰兒極重患况提孩
不能多服湯藥是以多致不起須方其初起以大青
龍湯取汗以紫圓下之踟躕移日至危劇則必死或
曰輕粉辰砂甘遂三味等分白湯送下有奇驗予未
試之

第十三

小兒忽然發熱脉數急時時譫語嘔吐飲食不進
予曰是痘瘡序熱也與葛根加半夏湯其夜煩躁

渴引冷水時時直視驚惕予又謂是恐發驚風與
紫圓三分病家疑懼不敢服翌朝熱少減猶與前
方前後三四日無一見點午牌忽發驚風上竄搐
搦一物衝心勢如發弩急與紫圓又與甘連大黃
湯終無効而死

答急驚風雖小兒大患早用紫圓取峻瀉以挫其迅
劇之勢而後以參連湯甘連大黃湯瀉心加辰砂湯
麻杏甘石湯石膏黃連甘州湯甘州湯等掬之搗之
或可掬也如用藥失機多不治驚風以紫圓走馬湯
類取峻瀉後忽然有健忘者有不語者有一身不遂

者有偏枯者有健忘不語者用小柴胡湯參連湯瀉
心湯類如不遂偏枯者用者桂五物湯真武湯桂枝
加苓朮附湯等以調理則自然快復痘瘡初起不拘
嘔吐唯當隨熱之輕重毒之多寡以桂枝加葛根湯
葛根湯葛根加反鼻湯發之痘見則嘔自止不必用
半夏又痘瘡起脹貫膿其勢急者雖有渴症不可用
石膏

第十四

小兒得外邪其熱久不解時時腹痛與柴桂湯兼
用甘連大黃湯鷓鴣菜湯之屬時以紫圓攻之不

効後發熱益甚頭痛岑岑如破胸動築築如跳煩
躁搖擗渴飲無度有時一物冲心下與柴胡加龍
骨牡蠣湯間服參連湯加熊膽終不効

答証候錯雜非親診病者難處方

第十五

賈人患脚氣兩足微腫胸腹膨脹兩便不利渴好
冷水呼吸塞迫胸動甚微有嘔氣因姜汁和白湯
以下大陷胸丸下利數行嘔已胸膈少安與越婢
加朮附湯兼用陷胸丸兩便快利腹脹漸減飲食
日進兒女喜其少快強進米粥五碗熟赤小豆二

椀腹滿復作劇因與大棗氣湯無効翌日大發渴
飲水數升胸滿息迫奄然長逝

答脚氣遍身水腫膝脚麻痺攣痛小便不利為主者
宜越婢加朮附湯喘滿心下鞭者滿者木防己去石膏
加茯苓芒硝湯若胸腹煩滿便秘息迫者衝心迫於
瞬息雖有殞兼症不心拘也非以大棗氣湯攻之不
能蕩滌結轡之毒折衝奔騰之勢措置失機噬臍不
及

近當作在

第十六

士人患脚氣脉數胸動如怒濤心下鞭滿夜間煩

熱四肢酸痛嘔吐甚勺飲不能入口先與小半夏
加茯苓湯嘔益甚病者曰僕性惡生姜之氣因與
五苓散嘔吐少安乃與大陷胸湯其夜大瞑眩煩
躁一時許快利四五行腹滿少減小便猶不利煩
渴食水兩足殊覺煩熱更與越婢加朮附湯兼用
大棗氣湯時時以陷胸丸攻之胸動漸穩腹滿隨
減與前劑百餘貼而愈

答脚氣衝心胸動如波濤心下鞭滿煩躁嘔吐二便
不通脉絕或沈微者尤為危急之症其死不旋踵豈
小半夏五苓之所能制乎直投大陷胸湯走馬湯紫

圓類取快吐下，心胸稍穩，煩躁得安，而後方劑隨宜。冀可得濟矣。足下用大陷胸湯後，併進大承氣湯，越婢湯者，可謂治法得宜矣。

第十七

農夫患所謂消渴症，日飲水五六升，小便隨利，時利白濁，食頻進，酒肴茶菓，信手食而肌肉消鑠，日甚於一日，他無所苦，與八味丸數劑，無寸效。答消渴病得治者，蓋希。

信手食三字
不穩堂作任
意食
消鑠當作
銷鑠

療難指示 前編終

療難指示 後編

上毛

小林雄士但通辨質問

第一

一男子年四十餘，鬱鬱不樂，凡二三月，漸覺心下痞塞，經五六日，食不進，心下生一塊，塊半入右肋，骨中隱隱微痛，時時吐食，脉沈遲，大便二日一解，舌上無胎，與桂姜艸棗黃辛附湯兼用三黃丸，十四五日無效，病家延他醫，未三月而更醫者，且皆不見寸效，後再乞治，診之塊浮見皮上，朝食暮吐，或午食晡吐，鬱鬱憤憤，不欲語言，不大便八九日。

解堂作下

皮膚甲錯四支如削臍傍動悸好仰卧但脉比諸
症則有根力及復審按不得適方且羸瘦極矣因
辭去病家固乞試與大建中湯二日食藥不吐於
是與大黃附子湯併行蜜煎導下燥屎二塊繼得
黑色滑便復吐二次再大建中湯爾後或一日一
吐或二日一吐如愈如不愈衰弱日加因謀之前
鑿亦無奇策一鑿曰不得已則有柴胡蘄甲湯及
蒸劑之計於是煮大麥盛布囊頻頻慰胸上稍覺
快然與柴胡蘄甲湯即吐復與前方雖不吐亦無
驗後月餘而死

答此等病其結禍胎已久故至諸患駢發藥石自難
收功其毒之鬱滯胸膈者初起但如痞鞭狀及經歲
月結韜凝固遂成塊狀堅牢不可解撐心壓胃所以
心氣鬱塞疼痛嘔吐無愈期也初起擬用大黃甘艸
湯調胃養氣湯橘皮枳實生薑湯乾姜黃連黃芩人蔘湯
用人蔘湯橘皮枳實生薑湯乾姜黃連黃芩人蔘湯
半夏瀉心湯等多灸脊推猶有得治者若至放恣不
療或誤治涉日胃氣已衰精神脫極與膈噎略同必
死

終年疑怪年
誤作多非也

一女子經水不調或一月再見或三四月僅來常
苦頭痛氣鬱不舒如此有年至三十四歲覺心
下有塊經一二年凝然應手時時為痛食少便秘
滿身發黃與茵陳蒿湯梔子蘘皮湯無效終死
答經水不調婦人常事治療亦不難但棄置終年病
已作痼則間有不治者此症用三味麝蟲丸週身發
赤疹者必治且不至發黃也

第三

小兒年四歲無故發熱其熱如蒸脉浮緊無汗腹
滿而不鞭形似熟睡而呼吸息迫一時許而暴瀉

二三行後自汗淋漓淋手足厥冷裏脫而死

一人畧如前症有物迫心胸而死

一兒與同前症大青龍湯已而下利三四行與桂枝人蔘

湯與真武湯無效

一兒一診知前症意謂小兒不能多服藥故不達

且此症非桂枝真武所能治也乃與四逆湯服后

暴瀉二行手足厥冷汗如灌一時許死

又視前症二人孰他鑿皆死新下利皆

答孫真人曰小兒冬月下無所畏夏月下難瘥蓋腸
胃綿脆飲食易受傷而多食任意雜啜不知飽加之

夜卧受冷、日間冒暑、是以間有霍亂暴瀉、或癰瘻併發難濟者、凡暴病暴脫、藥力不及、達而死者、老人小兒尤多、非特方症不相得也、此症用紫圓為佳、如物逼心胸者更佳、但服量用度尤要斟酌、且此症肛門洞開者不救、

第四

一商夫年三十五六、性好酒、有故^禁酒一年許、居常鬱鬱、惡接人、又不欲言語、忽覺腰腹弛痛、灸腰眼、與救疝湯、五六日、諸症如失、後一日卒然下利、腹痛、小便微鬱、難閉如初、因與真武湯、幾日、諸症

幾日上疑脫不字

愈而下利不止、居者五六日、前症復發、經月餘而依然不愈、詢之於老鑿曰、此雖似附子症、實下劑之所治也、僕亦以為然、乃與桂枝加芍藥、大黃湯、下利益甚、斯人嘗患吐痔、至此發大痛、起居甚苦、時有自汗、轉黃、菩建中湯、服五六日、腹痛頗愈、而下利更甚、晝夜五六行、病家更延一鑿、與桂枝人葭湯、^{百三加}無効、後更數方、皆無驗、爾後衆鑿交治、一歲餘、皆不得効、羸弱極死、

答以酒為命、後多為不治之疾、幸而不死、亦不免癯、人古人云、酒爛腸之具、信夫、此條症狀似有所不悉、

或恐足下視症不瑩於標本真假有所不体認而遺
歟

第五

一男子二十九歲脉浮數往來寒熱肢節微痛舌
上白胎與柴胡桂枝湯三日無驗益與前方一日
惡寒甚却發熱大汗淋漓諸症大退然猶有微熱
不欲飲食仍用前方後三日忽覺左足大指麻痺
繼至脚至股軟弱不可步更變發轉筋其發也從
小腹進至心胸其狀恰如顛癩然精神不亂不吐
涎沫如此者晝夜五六發或七八發至此脉沈無

力大便二日一行小便微難食益不進半身癱痺
頭最甚與真武湯六七日病勢雖稍緩不得全効
病家更乞他醫他醫與藥二十餘日病勢益緩然
晝夜猶二三發云願聞措置

答此症當撰用桂枝加芍藥附子湯烏頭湯桂枝湯
疫後痢後發脚痺或癱瘓間有為廢人者治療之間
不可不注意

第六

一女四十餘歲平居喘鳴促迫甚苦起步甚則但
坐不能就蓐呶呶之聲連四隣吐白沫晝夜至數

合吐盡即安。大抵一月二三發云。病者曰十九年
前患疥瘡不堪痛痒。浴藥湯四五日瘡愈。驚異
請一鑿曰。宜服下劑。不然不日必發大患。乃與紫
圓二分。下利二三行。二三日滿身發瘡。再服紫圓
不下。因買得藥舖所鬻。服之又不下。價三四分。意三分論。是以不
復服藥。後瘡亦漸退。十日許卒發此症。爾後百治
無效。至今日。僕欲與吐藥。乃南呂丸不果。
答疥瘡內陷症。投紫圓備急氣等。得快利後。以葛
根加朮附湯兼用。再造散。伯州散等。排毒疎利併施。
以盡其毒。則得全治。若瘡不快發者。可用撲藥。疥癬

雖未疾也。內陷則緩急必發。他惡症而難治者多矣。
但肌膚猶有痒氣者。用葛根加朮附。或加反鼻。窺疥
復見點。用撲藥則毒氣發泄。落痂而愈。其變作吼喘
者。主以麻杏甘石湯。兼用十棗丸。瘡再發者。吼喘必
治。不發者。決不治。如吐方。非其治也。

第七

一婦人三十七歲。產後五六日。頭痛鬱冒。不得睡
眠。飲食二便如常。諸藥無驗。過二三月。諸症漸加。
好卧閉室。食亦少減。頸項強。時時心下痞。欲得按
在茸半歲餘。卧則咽喉如塞。然不妨飲食。而頭痛

頂強更加重，經衆鑿之手不愈。一歲餘猶自若，然食常二碗，故羸瘦不甚。產後八九月以來，經水期來唯甚少耳。其後經水不來二月，時產後已十月自是病苦加一等。時或吐食，過四月經水猶未來。小腹結塊，至五六月塊漸大，蠕蠕微動，始疑娠，審診腹部，決其為娠。及七月，諸症漸退，彌月生男。調治二月，許撤病葷，然頭痛頂強未全愈。答產後遷延不復常，至半歲一歲病中受孕者，間有之。能審其病狀與腹狀，則雖一二月之間，姓否略可知也。已經三月者，診其腹立地可辨矣。粗策之徒過

料堂作科

瓜瓜誤

四五月猶不能決斷，動輒取笑於病家。曾禱婆之不如此也。產料之技不可不講焉。

第八

一兒兒生未一歲，瓜唇眼胞見紫色。若值風日寒冷，則及面部四肢乞治。於一鑿曰：胎毒沉伏所致也。與丸藥半歲餘無効，轉托蘭鑿用丸散二方半歲餘，復無効。於是止藥。及三四歲，心下動悸不得行步，但好靜坐，面色萎黃，常嗜喫茶丸。歲春來乞治，余以為黃胖異症，因與鐵砂丸二旬，動悸稍靜。而面部少見血色，一日卒然發腹痛，不食吐涎沫。

志下當有伊字

與鷓鴣菜丸兼用世米無志奈下蛔四條腹痛唾沫共止又與鐵砂丸二月許動悸頗退得步數町復與前方二月餘亦不加愈按方不得因固辭後八九月而死

廣必下疑脫有字

答此等症方其胚胎之初已既受病而生生後其毒與軀體共長所以為難治也蓋稟性羸弱血液游濁筋骨何以能得勁健雖然間有藥石得當保其生者唯竟不能壯強也初宜擇用葛根加反鼻甘連大黃加紅花湯伯州散三味蠶蟲丸大黃蠶蟲丸等其下於物發瘡疹者必効若初生數十日間一身自生瘡

疥或頭顱發瘡者宜葛根加反鼻湯龍葵丸

第九

或桂枝麻黃症或葛根青龍症而與其方發汗無驗漸及柴胡症其轉屬雖不一多不出柴胡之外詳其症以處其方遷延不愈間有及二三月或五六月者然亦不敢至篤劇此症往往有之土俗之謂計醫理又納呂滿僕謂即是壞症而誤治於初者是常注意為治然猶不能無此症而未得曉其失處

答發汗不徹有轉少陽者有屬陽明者有陷陰位者有為敗壞症者轉變後有容易治者有遷延引日者

敗字恐衍引字作補

按為法也三字
甚簡括似脫
字作是緊要
之診法也七字

有遲速死者蓋以人之體質有万不同而邪勢亦各
不侔也鑿人不眩變化生死審症為治為法也

第十

乙卯冬一壯夫午食後欲便上廁二便不通數有
便心上廁五次但小便少利便心更甚未一時腹
滿如鼓苦楚煩悶不可言狀急來乞治往診之脉
無故但腹脹滿甚與備急圓二分時既初更食頃
而吐藥汁及午食腹痛稍緩而每發便心小腹刺
痛乃與大棗氣湯二貼且行灌腸二次然但下灌
藥而大便不下湯藥亦吐自初至此小便利三約

乃當作招

不過合餘煩悶自若僕不知所為急囑病家召他
鑿鑿未來病人頻乞藥復與備急圓三分少頃即
吐更乞灌腸灌腸凡三次竟不得屎既而鑿至時
三更問治法不過僕所為至此脉力漸衰舌燥而
渴又請一蘭鑿來與散藥復行灌腸僕辭歸家其
夕來告死

阻沮說

答此寒疝也其治宜溫和溫下若遽投峻攻却奪之
劑則反致激動轉變不可制也其人腹中無宿結阻
滯卒然二便不通腹滿拘急者與桂枝加芍藥朮附
湯當歸四逆加吳茱萸生姜湯等二三貼劑量宜重

利而二字似可
刪
當歸上可加字

大繼用大黃附子湯桃仁養氣湯等則前方後方
角相濟二便通利腹滿隨和若日前大便秘澀而發
者可擇用桂枝加芍藥附子大黃湯芍藥甘草附子
大黃湯大黃附子湯二便通利諸症隨利而和後復
當歸當歸四逆加吳茱萸生薑湯調理

第十一

產後十餘日或二十日後腹滿雷鳴水瀉日二三
行有荏苒不愈者此症多口舌為腐爛或發小瘡
不能食熱羹冷物醱酸之品若下利少間則腐爛
及甚下利復前則口舌稍佳雖食味如常但以口

梁梁訛

舌糜爛喫飲不能如意至積日累月則下利完穀
煩渴羸瘦羸瘦極而見浮腫已見浮腫則死期不
遠此症初起用調胃養氣湯或生薑瀉心湯嚴禁
膏粱則間得全治然多死

答產後下利至見浮腫多不起實如來論此症產後
或寢食失宜或發浴受風冷或惡露壅閉所致也口
舌赤爛亦瘀血鬱熱蒸騰所發產前亦間有之初起
食後心下支撐腹痛而濡瀉者人蔘湯有熱者桂枝
人蔘湯雷鳴嘔氣者半夏瀉心湯惡寒腹痛者附子
粳米湯完穀下利見浮腫者真武湯茯苓四逆湯口

舌赤爛宜擦水礪散然遷延至此多死初起腹中有宿滯而作下利者以瀉心湯調胃氣湯疏導之後以生姜瀉心湯等調治為佳

第十二

一農夫忽焉小便不利來請治往診之先施導尿管得尿數合後與猪苓湯頓服不得通故日以導尿管取通二三日後小腹滿不大便與大黃甘遂湯下利二三行猶不得小便至四五日兩脚麻痺與八味丸二三日麻痺及小腹自如與八味丸十餘日無効過二十日許小便始利然苦淡難頻數

後遂為痿躄服藥一年餘僅得行步然右足軟弱猶不能正步疾行

膠膠誤

答脚氣先見小便不通者其人或素小腹有疝瘕或有癰毒而膀胱尿道先他而麻痺也八味丸倍加附子煎服或與桂枝加朮附湯灸腰眼八膠不大便者兼用桃仁養氣湯若小腹拘滿麻痺甚者非附子劑大養氣湯併用不治日後痿躄者撰用桂枝加朮附湯當歸建中加附子湯真武湯烏頭湯等兼用豨躄丸七寶養氣丸等長服不懈無不愈者

第十三

梁

梁

論疑論誤

梁

痰當作痰

脚氣症都下常多邊境常多僕以為因地之乾濕
 既而復疑邊境亦有濕地則不必因地之乾濕也
 昨謁先生語及此先生曰都人安逸常飽膏粱故
 痰毒鬱塞血脉不流所以多此症也僕感腹焉然
 邊境亦有耽安逸飽膏粱者而其人不必病都下
 亦有疏食勤勞之徒而猶有此病是僕所以疑惑
 也伏乞明論

答脚氣病多在膏粱之徒故云爾耳見其不悉然疑
 之所謂舉一而廢百者可謂不知大體矣且人之賦
 質不同故雖糟糠勤勞之徒有血液易痰滯者有壅
 濁易留滯者是脚氣痢疾隔噎中風諸患所繇而生
 也江戶之地五方之民雜居其年年病脚氣已為宿
 疾滯患者或通還家山或為商旅則其年不發明年
 在都復必發無他食飲澹薄之効耳然深泥病因亦
 予之所不取也

第十四

瘡之為奇疾固矣而亦有奇中之奇者四五月之
 間信濃之地比々患之而不以為意大抵三發之
 後行呪咀法或服符水必治若無驗者服藥以截
 之間有及五六十日或百日半年者此所極稀也

如吾^上毛無田之地患瘡者甚少若罹其患者必
及數月截瘡方術一切無有効遂為所謂勞瘡然
亦不至死其處療何如
答疾疢之隨土地而不同其症候患狀者豈特瘡而
止哉治法唯隨其脉症是而已

第十九

一女子十餘歲大熱譫語時比屋有痘以故為序
熱不敢加治至次日直視齟齬不省人事舉家始
驚動一鑿適來在隣家乃就乞藥前症休作凡二
三次至三日熱退痘少見至四日熱全解痘稍見

無復當作
復無

爾後雖無復惡症不能語言父母意不安問鑿鑿
亦不知其故然症候平順不失其序至二十餘日
瘡痂盡脫但當把捉物手指不自由父母倍不安
時時按手足視其寒熱自膝臍至指梢常微冷及
脫牀蓐行步不正始知半身不遂百方不見寸効
爾後半歲許携來乞治飲食二便其他如常唯羸
瘦未復僕熟診之胸腹無他故於是作黃耆桂枝
五物加附子湯與之月餘時與鷓鴣胡菜湯得蛔僅
二頭施治四十餘日不得効因辭不療後歲餘手
足稍溫聲音亦發然語言喃喃殆不可解復二年

適過其家訪之行步已正言語稍通然猶不能捷語

答直視大熱不省人事等痘之常体耳然如此兒痘癩併發也其過二十餘日痘瘡全愈而手足不遂言語蹇澁者癩病獨存也意者初起用紫圓甘連大黃湯等恐不至于此也然驚癩症用紫圓走馬等急厄已解後有發癩瘋者有久不能語言者予已見數人與桂枝加苓朮附湯附子湯大小柴胡湯等兼用南呂丸有效其無效者後多為癡騃

第十六

婦人壯實肥滿月經反少然必期來更無他故而終身不娠者間有之諸破血逐瘀之劑絕不得效過三四十歲益肥滿此等人踰四五十則多發難病篤患其初起有治術乎

答資質壯強而經行反寡少者肌肉必為肥胖加之以不產血將安去所以益溢益胞也凡身體豐滿甚者骨不勝肉故舉動難澁自懶執作血液愈不流痰飲隨生日積月累病遂為錮一旦發大患則不卒死必為廢人初起投導血豁痰之劑刺絡灸熉以泄鬱淤逐沈滯則經水順利肥胖漸消若至已經數年者

雖有得効者蓋稀

第十七

妊娠六七月卒然胎墮或九十月而產生兒每虛小二三日後必斃年年產而年年如此診之其婦天稟強壯腹中亦無可言精診熟察不得其詳如此者既見二人意是多房之害乎何如

答妊娠必墮胎者生兒每虛弱者間有之不必係母體之強弱五月以後嚴禁入房飲食起居調攝得宜必免不育之患若有病者可服適症之藥

第十八

一婦人三十餘經水將行必少腹絞痛甚延連腰臆顛轉叫嘔日夜無間不能餌食經了其痛如失時或一二月不痛如是八九年乞數醫治皆無此驗云僕診之少腹拘攣小便不快利耳數回診察不見他症仍當其發試與阿芙蓉劑絞痛稍緩爾後每發必與之以救其苦耳是固苟且之計不足以收全効此等之症治法何如

答此症多屬未產之人一經產則宿患脫然去其未全止者至二產三產必差蓋血澁之質血隧自不流利故經水欲去必作痛耳主方宜芎歸膠艾湯土瓜

根散當歸建中湯大黃蠶蟲丸類其發痛時以溫酒
多服失笑散有必效

第十九

一婦人三十餘手踝隱痛三四十日漸延及臂肩
至此乞予治與桂芍知母湯十餘日少發小瘡此
婦嘗患癩瘡因思或餘毒潛伏為痛乃與葛根加
朮附湯兼用七寶丸四五日滿身發瘡僕以為吉
兆益與前方至十餘日瘡盡愈而口舌作腐爛仍
與黃連解毒湯十餘日腐爛不愈疼痛益甚一身四肢
轉移無定處與桂枝加朮附湯殆一月無寸效爾

後衆醫交治三年許一無其驗終為廢人

答癩毒瘀血混淆為病者間有如是者主方撰用烏
頭湯桂枝加朮朮附湯兼用再造散時以三化神祐
丸下之為佳用七寶丸後口中腐爛不愈者可與會
嗽劑其數年不愈遂為廢物者未必非百藥濫投之
誤是衆工雜治之所以反為害也

漱

第二十

水銀輕粉癩毒聖劑然用之僅一二日不堪口舌
腐爛因減服量則無效增量復如初有不能奏效
者此症若與下劑則徒非不下利耳瘡則不愈僕

間遭此症伏乞治法

答徵毒沉痾為患者非水銀汞粉不能除也其瞑眩
迅速口中不日腐爛者是病毒之動速而治亦不難
也然二三日間腐爛已甚不能服藥者宜減折藥量
譬如七日用五錢六分用之於二三日且服湯藥
為佳其毒著肌肉者葛根加朮附湯在筋骨者桂枝
加朮附湯使藥氣漸漸浸潤則雖有頑毒不能不動
也凡療徵毒汞劑以震蕩之湯液以浣濯之用度服
量適權宜則無不治者用薰劑亦然夫鑿之用藥猶
將之行兵非進退疾徐適其機會得其度數雖有強

震當作振

卒利器何以能制其勝哉

療難指示終

明治八年第三月初七號了

尾臺武





